

Sakspapir

Saksbehandlar	Arkiv	ArkivsakID
Berit M.Eskeland	FA - N64, FE - 233	18/725

Saksnr	Utvalg	Type	Dato
29/2018	Kommunestyret	PS	02.05.2018

Søknad om tilskot til utbygging av breiband 2018

Vedlegg:

Innspel breiband 2018

Saksopplysningar:

Bakgrunn

Meland kommune har på ny høve til å søkje om tilskot til breibandsutbygging frå Nasjonal kommunikasjonsmyndigheit. Hordaland fylkeskommune allereie no har fått tildelt ei ramme på 8,3 mill kroner, under føresetnad av at det kjem inn gode nok søknader. Det kan søkjast om tilskot til breiband i område som har dårlegare dekning enn 10 Mbit/s, område som har dårlegare dekning enn 30 Mbit/s, eller ein kombinasjon av desse to områda. Søknadsfristen er 18. mai 2018.

Vurdering

Kommunar som planlegg å søkje om breibandstilskot skal offentleggjere det geografiske området den planlagte utbygginga gjeld. Interesserte parter skal få høve til å gje innspel til kommunen før søknaden vert levert.


Meland kommune lyste 20.03.2018 ut høyring om utbygging av breibandsnettet på heimesidene til kommunen. Følgjande område vart føreslått prioritert av administrasjonen.

1. Landsvik-Kårbø-Husebø-Sætre-Skjelanger
2. Gaustad-Ådland
3. lo
4. Myrtveit-Håtuft-Hestdal-Hestnes-Grasdal-Espetveit

Bakgrunnen for å foreslå desse områda var at det ved førre søknadrunde i 2017 vart søkt om tilskot til desse områda jf. UDU-sak 37/2017, men kommunen fekk ikkje innvilga søknaden.

Innspel

Frist for innspel var 16. april, og innan fristen har det kome inn 27 innspel til kommunen. Oversikt over innspel ligg som vedlegg til saka. Kartet under viser områda det har kome innspel om.



Innpela omfattar 10 område:

1. Landsvik-Kårbø-Husebø-Sætre-Skjelanger
2. Gaustad-Ådland
3. Iø
4. Myrtveit-Håtuft-Hestdal-Hestnes-Grasdalen-Espetveit
5. Fosse
6. Eikeland
7. Erstad-Meland-Bjørnestad
8. Dale
9. Dalstø

Dei fire første områda vart omsøkt i fjor. Resterande område har ikkje tidlegare vore søkt om midlar til utbygging for.

Fosse har tidlegare ikkje blitt søkt om midlar til grunna at kommersielle tilbydarar har vurdert område for kommersiell utbygging. I år har kommunen fått melding om at ingen tilbydare no vurderar å bygge ut område kommersielt grunna for høg kostnad.

Som eit utgangspunkt vil det vere ønskeleg å søke om tilskot til utbygging av flest mogeleg område. Samtidig vil ein måtte ta omsyn til at nokre område vil ha ein svært høg utbyggingskostnad grunna lange avstander mellom hus og infrastruktur. I tidlegare søknadsrunder har kostnadseffektivitet vore eit sentralt kriterie i Nkom si vurdering av søknadene. Dette ser ut til å vere noko tona noko ned i år, medan det ser ut til å vere lagt større vekt på at områda med dårlegast dekning skal byggjast ut.

I følgje dekningskarta kommunen har fått tilgang til er det dårlegast dekning nord for Eldsfjellet, i område frå Grasdalen til Håtuft/Gripen/Myrvollane, på delar av Ådland og på delar av Fosse.

Dei andre områda kommunen har fått innspel om har noko betre dekning, men dei aller fleste har under 30 Mbit/s og oppfyller dermed kriteriet om låg nok fart. Unntaka er Erstad, det meste av Ryland syd-Fløksand og det meste av Dale som i følgje dekningskarta har meir enn 30 Mbit/s fart. Kommunen kan berre søke om tilskot til område som har lågare fart enn 30 Mbit/s, og det er difor uklart om desse områda vil vere kvalifiserte. Dersom områda skal prioriterast må dette vurderast nærare i søknadsprosessen.

Rådmannen held på å utarbeide kostnadsoverslag for utbygging av områda, men overslaga er ikkje klare. Dersom det skulle vise seg at områda samla sett vil trenge meir tilskot enn ramma Hordaland fylkeskommune har fått, dvs. maksimal tilskotssum, vil det vere nødvendig å gjere prioritering av område. Rådmannen vil foreslå å prioritere områda med lågast fart i dag.

Lokal medfinansiering

Tidlegare har lokale bidrag frå kommunen eller private aktørar telt positivt i søknadene, men no har det kome inn eit vilkår om at søknadene samla sett skal ha ei samla lokal medfinansiering på minimum 25 %.

I kommunestyre sak 40/2017 vart det vedteke at kommunestyre ønska å bruke av disposisjonsfondet til medfinansiering til breibandsutbygging i kommunen. Dette vart fylgt opp i kommunestyrevedtak 117/2017 der det vart vedtatt følgjande: *Kommunestyret viser til vedtak i sak 40/2017, der det vart vedtatt å gi kommunalt anleggsbidrag til utbygging av fiber, breiband og mobil. Vi ber om at bruk av kommunale midlar blir lagt inn i t.d. søknad om Nkom-midlar. Kommunestyret vil komme tilbake til storleiken på eit slikt bidrag.*

Budsjetta for 2018 og 2019 er utfordrande for Meland kommune. Kommunen har ikkje avsett driftsmargin, i tråd med TBU's anbefaling (1,75%) i 2018 og 2019. Både for 2017 og i 2018 vil det vere nødvendig å bruke av disposisjonsfondet for å balansere drifta. Drift i ubalanse kan synast å halde fram i 2019, og vil vere krevjande å endre. Disposisjonsfondet er også rekna med, når vi vurderer kva nye prosjekt vi kan ta del i, inn i Alver kommune. På bakgrunn av desse momenta vil Rådmannen legge fram to alternative vedtak, eit med bruk av disposisjonsfondet og eit utan bruk av disposisjonsfondet.

Folkehelse – ikkje relevant

Miljø – betre tilgang til digitale løysingar er poitivt for miljøet

Økonomi – går fram av saka

Framlegg til vedtak:

«Kommunestyre godkjenner at Meland kommune søkjar om tilskot til utbygging av breiband for følgjande område: Landsvik-Kårbo-Husebø-Sætre-Skjelanger, Gaustad-Ådland, Io, Myrtveit-Håtuft-Hestdal-Hestnes-Grasdalen-Espetveit, Fosse, Eikeland, Meland-Bjørnestad og Dalstø. Dale, Ryland syd-Fløksand og Erstad vert omsøkt dersom det viser seg at dei har låg nok fart til å bli kvalifisert til søknadsordninga. Dersom det skulle vise seg at søknadssummen overstig ramma Hordaland

fylkeskommune har fått tildelt skal områda med lågast fart i dag bli prioritert. Søknaden vert sendt utan kommunal medfinansiering frå disposisjonsfondet.»

Alternativt vedtak:

«Kommunestyre godkjenner at Meland kommune søkjar om tilskot til utbygging av breiband for følgjande område: Landsvik-Kårbø-Husebø-Sætre-Skjelanger, Gaustad-Ådland, Io, Myrtveit-Håtuft-Hestdal-Hestnes-Grasdalen-Espetveit, Fosse, Eikeland, Meland-Bjørnstad og Dalstø. Dale, Ryland syd-Fløksand og Erstad vert omsøkt dersom det viser seg at dei har låg nok fart til å bli kvalifisert til søknadsordninga. Dersom det skulle vise seg at søknadssummen overstig ramma Hordaland fylkeskommune har fått tildelt skal områda med lågast fart i dag bli prioritert. Kommunen bevilger inntil kr 2 mill frå disposisjonsfondet til kommunal medfinansiering for å oppnå vilkåret om 25 % lokal medfinansiering.»

Kommunestyret - 29/2018

KS - behandling:

Rådmannen sitt alternative framlegg til vedtak vart fremma i møtet:

Kommunestyre godkjenner at Meland kommune søkjar om tilskot til utbygging av breiband for følgjande område: Landsvik-Kårbø-Husebø-Sætre-Skjelanger, Gaustad-Ådland, Io, Myrtveit-Håtuft-Hestdal-Hestnes-Grasdalen-Espetveit, Fosse, Eikeland, Meland-Bjørnstad og Dalstø. Dale, Ryland syd-Fløksand og Erstad vert omsøkt dersom det viser seg at dei har låg nok fart til å bli kvalifisert til søknadsordninga. Dersom det skulle vise seg at søknadssummen overstig ramma Hordaland fylkeskommune har fått tildelt skal områda med lågast fart i dag bli prioritert. Kommunen bevilger inntil kr 2 mill frå disposisjonsfondet til kommunal medfinansiering for å oppnå vilkåret om 25 % lokal medfinansiering.

Tilleggsframlegg frå Sølvi Knudsen, SP:

Kommunestyret ber om at det vert utarbeidd kostnadsoverslag vedk. utbygging av breiband/fiber og mobil i alle delar av Meland kommune der det i dag ikkje er slikt tilbod. Kostnadsoverslaget vert lagt fram for kommunestyret før budsjetthandsaminga for 2019.

Avrøysting:

Rådmannen sitt framlegg til vedtak fekk 0 røyster for, 25 røyster mot og fall.

Rådmannen sitt alternative framlegg til vedtak vart samrøystes vedteke.

Tilleggsframlegg frå Sølvi Knudsen vart samrøystes vedteke.

KS - vedtak:

Kommunestyre godkjenner at Meland kommune søkjar om tilskot til utbygging av breiband for følgjande område: Landsvik-Kårbø-Husebø-Sætre-Skjelanger, Gaustad-Ådland, Io, Myrtveit-Håtuft-Hestdal-Hestnes-Grasdalen-Espetveit, Fosse, Eikeland, Meland-Bjørnstad og Dalstø. Dale, Ryland syd-Fløksand og Erstad vert omsøkt dersom det viser seg at dei har låg nok fart til å bli kvalifisert til søknadsordninga. Dersom det skulle vise seg at søknadssummen overstig ramma Hordaland fylkeskommune har fått tildelt skal områda med lågast fart i dag bli prioritert. Kommunen bevilger inntil kr 2 mill frå disposisjonsfondet til kommunal medfinansiering for å oppnå vilkåret om 25 % lokal medfinansiering.

Kommunestyret ber om at det vert utarbeidd kostnadsoverslag vedk. utbygging av breiband/fiber og

mobil i alle delar av Meland kommune der det i dag ikkje er slikt tilbod. Kostnadsoverslaget vert lagt fram for kommunestyret før budsjetthandsaminga for 2019.